

Fig. 2.




Fig. 3.





Fig. 1.



M. J.

II.

DAVIDIS GREGORII M. D.
 Astronomiae Professoris *Saviliani* & S. R. S.
CATENARIA,
 AD REVERENDUM VIRUM
 D. HENRICUM ALDRICH S. T. P.
 Decanum *Aedis Christi Oxoniæ.*

CUM Problema de figura Catenæ (id est linea flexilis, versus centrum longinquum gravis, & pondere suo dum à duobus extremis immotis dependet incurvatae) sit inter hujus ævi Philosophos imprimis nobile, ac à Celeberrimis Viris *Hugenio*, *Leibnitio* & *Bernoullio*, plurimæ figuræ istius proprietates fuerint detectæ, & in Actis Eruditorum *Lipsiæ* (at sine demonstratione) editæ: Libuit harum omnium demonstrationes pertexere, ope Methodi *Newtonianæ* Geometris hodie familiaris, fluxiones è fluentium relatione data determinandi & vicissim; & alias insignes Curvæ hujus proprietates nunc primum detectas adjicere, tibique Reverende Decane, harum rerum Judici idoneo mittere.

Prop. I. Problema.

Fig. 1. **I**nvenire relationem inter fluxionem axeos & fluxionem ordinatæ in Curva Catenaria.

Sit Catena F A D ab extremitatibus F & D dependens, cuius punctum imum (seu Curvæ vertex) A, axis A B ad horizontem eretus, eique applicata B D horizonti parallela. Invenien-
 B b b b da

da est relatio inter B b seu D δ & d δ ; posito b puncto ipso B proximo, & b d ad BD, item D δ ad BA parallela.

Ex Mechanicis constat Potentias tres in æquilibrio positas eandem habere rationem cum rectis tribus ad ipsarum directiones parallelis, vel in dato angulo inclinatis, à mutuo occursu terminatis; Adeoque si D d exponat gravitatem absolutam particulae D d (ut in Catena æqualiter crassa rite fit) d δ representabit gravitatis partem eam quæ normaliter in D d agit, quaque fit ut d D (ob Catenæ flexilitatem circa d mobilis) in situum verticalem se componere conatur. Adeoque si δ d (five fluxio ordinatae BD) constans sit; gravitatis actio in partes correspondentes Catena D d normaliter exerta etiam constans erit five ubique eadem. Exponatur hæc per rectam a. Porro ex supra citato Lemmate Mechanico, D δ five fluxio axeos AB exponet vim secundum directionem ipsius d D exerendam, quæ priori conatui linea gravis d D ad componendam se in situum verticalem æquipolleat, eumque impeditre possit. Hæc vero vis oritur à linea gravi DA secundum directionem d D trahente; et que proinde (cæteris manentibus) linea DA proportionalis. Est igitur δ d fluxio ordinatae ad δ D fluxionem abscissæ, sicut constans recta a ad DA curvam. q. e. f.

Corollarium.

Si recta DT tangat Catenariam, & axi BA producto occurrat in T, erit DB.BT :: (d δ . δ D ::) a . DA Curvam.

Prop. 2. Theorema.

Fig. 1. **S**i ad perpendicularum AB tanquam axem, vertice A, describatur hyperbola æquilatera AH, cuius semi-axis AC æqualis a; & ad eundem axem & verticem, parabola AP cuius parameter æqualis quadruplo axi hyperbolæ, & producatur semper hyperbolæ ordinata HB, donec HF æqualis Curvæ AP: Dico Curvam FAD in quo puncta F & D versantur (positis BD, BF æqualibus) esse Catenariam.

Vocetur

(639)

Vocetur A B x, erit B b = \dot{x} , & BH = $\sqrt{2ax + x^2}$. Unde ex methodo fluxionum, fluxio ipsius BH (sive mh) = $\frac{a\dot{x} + x\dot{x}}{\sqrt{2ax + x^2}}$. Rursus quia parabolæ AP parameter = 8a, erit BP = $\sqrt{8ax}$. Unde np (hoc est fluxio ipsius BP) æqualis $\frac{2a\dot{x}}{\sqrt{2ax}}$. Quare fluxio Curvæ AP ($= Pp = \sqrt{npq + Pnq}$) = $\sqrt{\frac{4a^2x^2}{2ax} + \dot{x}^2}$ = $\sqrt{\frac{2a\dot{x}^2 + x\dot{x}^2}{x}}$ quæ, ducendo tam numeratorem quam denominator in $\sqrt{2a + x}$, = $\frac{2a\dot{x} + x\dot{x}}{\sqrt{2ax + x^2}}$. Et cum HF sit ubique = AP, erit fluxio HF rectæ, hoc est mh + sf = $\frac{2a\dot{x} + x\dot{x}}{\sqrt{2ax + x^2}}$. Sed hactenus inventa est mh = $\frac{a\dot{x} + x\dot{x}}{\sqrt{2ax + x^2}}$. Unde sf sive fluxio ipsius BF ordinatæ ad axem Catenariæ, est æqualis $\frac{a\dot{x}}{\sqrt{2ax + x^2}}$. Et igitur fluxio Curvæ AF (sive ipsa $Ff = \sqrt{sfq + Fsq} = \sqrt{\frac{a^2\dot{x}^2}{2ax + x^2} + \dot{x}^2} = \frac{a\dot{x} + x\dot{x}}{\sqrt{2ax + x^2}}$, cuius fluens modo ostensa est $\sqrt{2ax + x^2}$. Et igitur AF = $\sqrt{2ax + x^2}$. Patetque fluxionem ordinatæ BF sive $\frac{a\dot{x}}{\sqrt{2ax + x^2}}$ esse ad x fluxionem abscissæ AB sicut data a ad Curvam AF, quæ est superius inventa Catenariæ proprietas. Igitur Catenariæ puncta recte determinantur per præcedentem constructionem. q. e. d.

Corollaria.

i. Ex constructione patet BF ordinatam Catenariæ æquari Curvæ parabolæ AP, demptâ BH correspondente ordinata hyperbolæ conterminâ AH.

B b b b b 2

2. Ex

2. Ex demonstratione constat Catenariam Curvam A F æquari BH correspondenti ordinatae Conterminæ Hyperbolæ æquilateræ. Cum enim harum linearum fluxiones æquentur, & simul nascantur ipsæ lineæ; patet illas ubique esse æquales. Unde datâ catenâ, dabitur AC sive a, quippe æqualis semi-axi Hyperbolæ æquilateræ cuius vertex A, & ordinata ad abscissam A B catenæ AD est æqualis.

3. Catenariæ omnes sunt inter se similes, cum ex simili simili & similiter positarum figurarum constructione generentur. Unde duæ rectæ ad Horizontem similiter inclinatae per Catenarum vertices ductæ abscentibus figuræ similes, & Catenarum portiones abscentibus rectis proportionales.

4. Si Catena QAD suspendatur à punctis Q & D inæquilater altis, Curvæ pars FAD eadem manet, ac si ex punctis æquialtis F & D esset suspensa, quoniam nihil refert utrum punctum F affixum sit vel non affixum ad planum verticale.

5. Si Catenæ vis trahens secundum directionem dD exponatur per Dd, dividetur, ut vulgo notum, in vim ut d d secundum directionem horizontalem, & vim ut d D secundum directionem verticalem: Igitur vis in Catenæ extremo directe accedendi ad axem, est ad vim in eodem descendendi secundum perpendiculum; sive vis sustinentis pars secundum directionem BD agens, est ad ejusdem partem secundum directionem Dd agentem, ut semi-axis Hyperbolæ conterminæ AH ad DA longitudinem Catenæ usque ad verticem Curvæ: Unde datâ Catenâ ratio hæc datur. Et in eadem Catena nunc magis nunc minus laxe suspensa, vis ista Horizontalis est ut Hyperbolæ conterminæ axis, cum DA eadem maneat si extrema æquialta sint.

6. Catena in plano verticali, sed situ inverso, figuram servat nec decidit, adeoque arcum seu fornicem facit tenuissimum: Hoc est sphærae minimæ rigidæ & lubricæ in inversa Curva Catenaria dispositæ, arcum constituant cuius nulla pars ab aliis extorsum vel introrsum propellitur; sed manentibus infimis punctis immotis, virtute suæ figuræ sustinetur. Cum enim punctorum Curvæ Catenariæ situs, partiumque inclinatio ad Horizontem eadem sit, sive in situ FAD, sive in situ inverso, dummodo Curva sit in plano ad Horizontem rectio, patet illam æque servare figuram immutatam in uno situ ac in altero. Et è converso

verso sole Catenariae sunt fornices sive arcus legitimi : Et cujuscunque alterius figuræ Arcus ideo sustinetur, quod in illius crassitie quedam Catenaria inclusa sit : Neque, si tenuissimus esset, partesque haberet lubricas sustineretur. Ex praecedente Corol. 5. colligitur quali vi arcus, muros quibus insitit extra propellit; nempe hæc eadem est cum parte vis Catenam sustentis, quæ secundum directionem Horizontalem trahit. Quæ enim in Catena introrsum trahit vis, in arcu Catenæ æquali, extrorsum propellit. Alia omnia de murorum quibus fornices imponuntur firmitate requisita, ex hac Theoria Geometrice determinantur, quæ in ædificiorum extreunctione præcipua sunt.

7. Si loco gravitatis alia quælibet vis similiter agens in linæm flexilem vires suas exerat, eadem producetur linea. V. g. Si ventus æquabilis supponatur, & secundum rectas datæ positione rectæ parallelas spirans, linea vento inflata eadem erit cum Catenaria. Nam cum omnia quæ in gravitate consideravimus, in altera hac vi obtineant, patet eandem Curvam productum iri.

Prop. 3. Theorema.

Fig. 2. **S**i manente prædicta Hyperbola A H, per A ducatur recta G A L axi A B normalis, & describatur Curva K R ejus naturæ, ut B K sit tertia proportionalis rectis B H & A C, & ad A C applicetur rectangulum A V æquale spatio interminato A B K R L A, erit F concursus rectarum H B, V G ad Catenariam.

Nam ex constructione est $BK = \frac{a^2}{\sqrt{2ax + x^2}}$, quare fluxio spatii A B K R L A = $(BK \cdot b = BK \times Bb =) \frac{a^2 x}{\sqrt{2ax + x^2}}$. Cumque $BF = \frac{\text{spatio A B K R L A}}{AC}$, & AC detur, erit fluxio ipsius $BF = \frac{\text{fluxioni spatii A B K R L A}}{AC} = \frac{a x}{\sqrt{2ax + x^2}}$. Sed in

in præcedentis Prop. constructione, fluxio ordinatæ B F
 $= \frac{ax}{\sqrt{2ax+x^2}}$. Quare hæc constructio eodem redit cum con-
 structione Prop. præcedentis, & consequenter punctum F est
 ad Catenariam. q. e. d.

Corollarium.

Sicut in Prop. præced. Catenaria describitur ex data longi-
 tudine Curvæ parabolicæ, ita in hac, illius descriptio pendet
 à quadratura spatii in quo $x^2 y^2 = a^4 - 2ax y^2$. Nam y (ive
 $BK) = \frac{a^2}{\sqrt{2ax+x^2}}$.

Prop. 4. Theorema.

Fig. 1. SPatiū AGF sub Catenaria AF & rectis
 FG, AG ad AB, BF parallelis comprehensum, æquale est rectangulo sub semi-axe AC, &
 DH intervallo applicatarum in Hyperbola & Ca-
 tenaria.

Nam DH = (BH - BD =, ex Prop. 2. hujus, $\frac{ax + xx}{\sqrt{2ax + x^2}}$
 $- \frac{ax}{\sqrt{2ax + x^2}} =) \frac{xx}{\sqrt{2ax + x^2}}$. Quare fluxio rectanguli sub da-
 ta AC & DH = ($\frac{axx}{\sqrt{2ax + x^2}} = x \times \frac{ax}{\sqrt{2ax + x^2}} = fs \times FG =)$
 fluxioni spatii AGF. Cumque figuræ hæc simul nascantur, se-
 quitur rectangulum sub AC & DH æquari spatio AGF.
 q. e. d.

Corollarium.

Hinc sequitur spatium FAD, sub Catena FAD & recta Ho-
 rizontali FD comprehensum, æquari rectangulo sub FD & BA,
 dempto rectangulo sub Hyperbolæ AH axe alterutro, & DH
 excessu rectæ BH, vel Curvæ AD, supra ordinatam BD.

Prop.

Prop. 5. Theorema.

Fig. 1. SI ad rectam A L applicetur rectangulum L E æquale spatio Hyperbolico A L H, erit E centrum Äquilibrii Curvæ Catenariaæ A F D.

Concipiatur Curva gravis F A librari super axe G L. Ex Centrobarycis constat momentum gravis F A exponi per superficiem Cylindrici recti super F A erecti, & reflecti plano per G L transente, cum plano Curvæ angulum semirectum faciente. Et hujus superficie fluxio, sive $F' A \times F G$, æqualis est fluxioni spatii A L H sive $B H \times H L$; quia F A, B H, item F G & H L æquantur. Ac propterea (cum simul nascantur) dicta superficies Cylindrici recti æqualis est spatio Hyperbolico A L H. Hoc proinde applicatum ad ipsum grave A F, vel illi æqualem rectam A L, facit latitudinem A E æqualem distantiae centri gravitatis ab axe librationis G L. Unde Curvæ F A D, æqualiter ad utramque axeos A B partem jacentis, centrum æquilibrii est E. q. e. d.

Corollaria.

1. Spatia A B H L, B A H, & A G F sunt Arithmetice proportionalia. Nam fluxio spatii A L H = ($\frac{ax + x^2}{\sqrt{2ax + x^2}} \times x$

$$= \frac{ax + x^2 \times \dot{x}}{\sqrt{2ax + x^2}} = \frac{2ax + x^2 - ax \times \dot{x}}{\sqrt{2ax + x^2}} = \dot{x} \sqrt{2ax + x^2}$$

$$- \frac{ax \dot{x}}{\sqrt{2ax + x^2}} =) \text{ fluxioni spatii B A H, multatæ fluxione}$$

spatii A G F, per Prop. 4. hujus. Cumque hæ tres figuræ simul nascantur, erit B A H — A G F = (A L H =) B L — B A H. Quare $2BAH = BL + AGF$. Unde sequitur spatia B L, B A H & A G F esse in proportione Arithmetica.

2. Catenæ centrum gravitatis est omnium linearum ejusdem longitudinis, eosdemque terminos habentium, infimum. Nam tantum

tantum descendet grave quantum potest. Cumque tantum descendat figura, quantum ejus centrum gravitatis descendit, se sic disponet linea gravis flexilis, ut ejus centrum gravitatis sit inferius quam si aliam quamcunque figuram indueret. Atque ex hoc symptomate linea gravis flexilis, reliqua omnia facile deduci possent.

3. Si super quascunque Curvas eandem longitudinem eosdemque terminos D & F cum Catenaria F A D habentes, erecti Cylindrici recti secentur plano per D F transente; superficieum Cylindricarum sic resectarum maxima est quæ super Catenariam insistit. Hæ enim superficies (si angulus sub planis fuerit semirectus) ad ipsas Curvas (quæ sunt in casu præsenti longitudinis ejusdem) applicatae, latitudines faciunt æquales distantias centrorum gravitatis Curvarum à D F recta: Cum distantia hæc sit in Catenaria maxima (ob maximum descensum centri gravitatis) erit Cylindrica superficies applicanda etiam maxima. Et quoniam superficieum Cylindricarum resectarum plano cum plano baseos angulum quemvis continente, eadem est ratio atque cum dictus angulus est semirectus, patet propositum universaliter.

Lemma.

Fig. 1. **S**I in cujusvis Curvæ A F Q, descriptæ evolutione alterius Curvæ K V, ordinatam quamvis F B ad axem A B normalem, à correspondente in K V puncto V demittatur normalis V R ordinatæ occurrens in R: Erunt, manente fluxione axeos A B eadem, fluxio fluxionis ordinatæ B F, fluxio Curvæ A F, & recta F R continue proportionales.

Producatur rectula F t donec proximæ ordinatæ w φ occurrat in o. Et quoniam ex hypothesi $F s = f w$, erit $o f = F f$, adeoque $o \phi f$ erit fluxio ipsius $f s$, hoc est fluxio fluxionis ordinatæ. Porro triangula $o \phi f$, $f F R$ sunt æquiangula, quia $o f =$ alterno $f F R$, & $f o \phi = (F f r =) F f R$, quia illorum intervallum $R f r$ alterutrius respectu evanescit, cum $R r$ præ $f r$ nulla sit. Et igitur $o \phi f : f s :: f F . F R$, sed $\phi f, f F$ æquales

(645)

les sunt, cum fluxione utriusvis tantum differant. Quare
 $\text{o} \cdot \text{fF} :: \text{fF} \cdot \text{F R}$. q. e. d.

Prop. 6. Problema.

Fig. 1. Invenire Curvam K V cujus evolutione Catenaria A F Q describitur.

Vocetur ut prius A B x, item B F y. Est, ex Prop. 2. hujus,
 $y = \frac{ax}{\sqrt{2ax+x^2}}$, sive $2ax\dot{y}^2 + x^2\ddot{y}^2 = a^2\dot{x}^2$. Quare, per fatis nunc usurpatam *Neutoni* methodum, $2ax\dot{y}^2 + 4ax\dot{y}\ddot{y} + 2x\dot{x}\dot{y}^2 + 2x^2\ddot{y}\dot{y}$ ($= 2a^2\dot{x}\dot{x}$ quæ, propter $\dot{x} = 0$ cum constans x non fluat) $= 0$. Quare $\ddot{y} = \left(\frac{-ax\dot{y} - x\dot{x}\dot{y}}{2ax + x^2} \right)$
 $\frac{a + x \times a x^2}{2ax + x^2} \times \frac{a x^2}{\sqrt{2ax + x^2}}$, ponendo loco y, ejus valorem $\frac{ax}{\sqrt{2ax + x^2}}$.
(Nam signum — quantitati y præfixum, tantum denotat locum puncti R ex F spectati, oppositum esse loco puncti F ex B spectati, cum curva A F Q est cava versus axem A B) Et F f,
per Prop. 2. hujus, $= \frac{a + x \times x}{\sqrt{2ax + x^2}}$. Quare per præcedens Lemma,
 $F R = \left(\frac{F f g}{y} = \frac{a + x \times x^2}{\sqrt{2ax + x^2}} \times \frac{2ax + x^2 \times \sqrt{2ax + x^2}}{a + x \times x^2} \right) = \frac{a + x \times \sqrt{2ax + x^2}}{a}$. Rursus ob triangula rectangula F s f,
F R V habentia angulos f F s, V F R æquales, quia V F s est utriusque complementum ad rectum, est F s . s f :: F R . V R,
sive $x \cdot \frac{a x}{\sqrt{2ax + x^2}} :: \frac{a + x \times \sqrt{2ax + x^2}}{a} :: V R$ quæ proinde
æqualis $a + x$. Hæc igitur est natura curvæ K V, ut si A B
vocetur x, erit F R $= \frac{a + x \times \sqrt{2ax + x^2}}{a}$, & V R $= a + x$.
q. e. i.

C c c c c

Corol-

Corollaria.

1. A C. C B :: B H. F R. Hæc enim est proprietas rectæ F R superius inventa.

2. Recta C B æqualis est rectæ B I sive V R. Utraque enim est æqualis $a + x$.

3. Recta evolvens V F est tertia proportionalis ipsis A C, C B. Nam ob æquiangula triangula f F s, V F R, est s F. F f :: F R. V F. Sive $x \cdot \frac{a+x+x^2}{\sqrt{2ax+x^2}} :: \frac{a+x \times \sqrt{2ax+x^2}}{a}$. V F

quæ proinde $= \frac{a+x}{a}$. Unde $a \cdot a+x :: a+x \cdot V F$, quæ præterea est radius circuli Catenæ in F æquicurvi.

4. Cum punctum F est in A, sive cum vertex evolutione describitur, id est cum $x = 0$, valor evolventis rectæ V F quæ in hoc casu est K A, nempe $\frac{a+x}{a}$ fiet a: hoc est punctum K ubi Curva V K occurrit axi, tantum extat supra Catenæ verticem A, quantum C deprimitur infra eundem. Unde diameter circuli, Catenæ ad verticem æquicurvi, æqualis est axi conterminæ Hyperbolæ A H. Adeoque Catenæ A D & Hyperbolæ A H eadem est curvatura in vertice A: Nam vulgo notum est circulum prædictum, Hyperbolæ æquilateræ A H in vertice A æquicurvum esse. Sed & hoc aliunde, ex ipsa Catenæ natura Prop. 2. hujus demonstrata, constat. Nam nascens F H sive $(A P = nascenti B P =) \sqrt{8ax}$ dupla est nascensis B H sive $(\sqrt{2ax+x^2},$ hoc est, evanescente x^2 , cum x minima sit) $\sqrt{2ax}$; Et igitur idem punctum est tam in nascente Hyperbola quam nascente Catenaria; h. e. Nascens Hyperbola A H cum nascente Catenaria A D coincidit, & proinde æquicurvæ sunt hæ lineæ ad verticem A.

5. Curva K V est tertia proportionalis ad rectam A C & curvam A F sive rectam A L. Ex natura enim evolutionis, $KV = (VKA - KA = VF - KA = \frac{a+x^2}{a} - a = \frac{a^2+2ax+x^2}{a} - a =) \frac{2ax+x^2}{a}$. Et igitur $a \cdot \sqrt{2ax+x^2} :: \sqrt{2ax+x^2} \cdot KV$.

Sed

(647)

Sed $\sqrt{2ax + x^2}$, ex Corol. 2. Prop. 2, = A F. Unde A C . A F :: A F . K V.

6. Recta K I dupla est ipsius A B. Cum enim B I = (B C \Rightarrow) C A + A B, erit A I = C A + 2 A B; At A K = A C, per Corol. 4. hujus; Igitur K I = 2 A B.

7. Rectangulum sub A C & B R est æquale duplo spatio
hyperbolico B A H. Nam F R x A C = $\frac{(a+x)\sqrt{2ax+x^2}}{a}$
 $x a = a + x \times \sqrt{2ax+x^2} = x \times \sqrt{2ax+x^2} + a \times \sqrt{2ax+x^2}$
 $= AB \times BH + AC \times BH \Rightarrow AB \times BH + AC \times BD + AC \times DH$. Quare F R x A C = B D x A C, hoc est B R x A C = A B x B H + A C x D H. Sed, per Prop. 4. hujus, A C x D H = A G F spatio. Et igitur B R x A C = (A B H L + A G F = per Corol. 1. Prop. 5.) 2 B A H.

Prop. 7. Theorema.

Fig. 3. S I in Curva Logarithmica L A G cujus data subtangens H S æqualis rectæ a, Corol. 2.

Prop. 2. hujus definitæ, sumatur punctum A cujus distantia ab H P asymptoto, nempe A C, æqualis fit subtangenti H S, & ex punctis H & P utcunque in asymptoto sumptis à punto C æqualiter distantibus, erigantur H L, P G ordinatæ ad Logarithmicam, quarum semisummæ ponatur æqualis H D vel P F, erunt D & F ad Catenariam rectæ A C correspondentem.

Vocetur A B x, adeoque C B vel D H semisumma ordinatarum H L, P G erit a + x; semidifferentia earundem vocetur y. Unde H L = a + x + y, & P G = a + x - y. Cumque ex natura Logarithmice, C A sit inter has media proportionalis, erit $a^2 + 2ax + x^2 - y^2 = a^2$. Unde $y = \sqrt{2ax + x^2}$. Adeoque H L = a + x + $\sqrt{2ax + x^2}$ & P G = a + x - $\sqrt{2ax + x^2}$. Quare fluxio ipsius H L, sive ipsa l m est $\frac{a\dot{x} + x\dot{x} + \dot{x}\sqrt{2ax + x^2}}{\sqrt{2ax + x^2}}$.

C c c c c 2

Et

Et ab equiangula triangula l m L, LHS, est L H. HS :: l m . m L, unde m L sive d δ fluxio ipsius BD = $\frac{a \dot{x}}{\sqrt{2ax + x^2}}$. Hoc est Curva A D ex Logarithmica supradicto modo genita, ejus est naturæ, ut si axis Vocetur x, ejusque fluxio \dot{x} , fluxio ordinatæ BD sit $\frac{a \dot{x}}{\sqrt{2ax + x^2}}$. Sed hæc ipsa est proprietas Catenariæ ad quam a pertinet, Prop. I. hujus demonstrata. Ergo Curva F A D superius descripta est hæc ipsa Catenaria. q. e. d.

Corollaria.

1. Sicut ope Logarithmorum Catenaria describitur, vice versa ope Catenariæ per ipsam rerum naturam productæ, numeri dati vel potius rationis datæ Logarithmus invenitur. Ut si posita CA unitate, cuius Logarithmus est nihilo æqualis, quæratur Logarithmus numeri CQ sive rationis inter CA & CQ; Rectis CQ & CA tertia proportionalis sit CV, ipsarumque CQ, CV semifusumma CB; ex B ordinata ad Catenariam, nempe BD est Logarithmus quæsusitus. Ratio ex Propositione manifesta est.

2. Vicissim si dato Logarithmo CH vel CP, quæratur correspondens numerus HL vel PG, seu ratio HL ad CA, sive PG ad CA. Ex H vel P erigatur perpendicular Catenæ occurrentis in D vel F, ipsique HD vel PF hoc est CB, fiat æqualis CR ad horizontalem AR terminata; Eritque AR semidifferentia quæsitarum LH, GP, sicut ex supra demonstrata Catenæ natura HD vel CR est earundem semifusumma: (Nam in tribus quantitatibus Geometricæ proportionalibus quales sunt HL, CA, PG, quadratum semifusumæ extremarum multatum quadrato mediæ, æquatur quadrato semidifferentiæ extremarum.) Adeoque CR + AR, & CR - AR sunt numeri HL vel GP, dato Logarithmo CH vel CP congrui.

3. Ex demonstratione patet quod sicut HD semifusumma Logarithmicæ ordinatarum HL, PG, ad CH normaliter applicata in H, est ordinata Catenariæ, sic semidifferentia earundem HL, PG, ad CA normaliter applicata in B est ordinata Hyperbolæ æquilateræ centro C vertice A descriptæ: ac proinde (per Corol.

Corol. 2. Prop. 2. hujus) æqualis Catenæ A D. Nam $y = \sqrt{2ax + x^2}$. Cumque Corol. præced. ostensum sit A R esse etiam semidifferentiam rectarum H L, P G, patet A R esse æqualem Catenariæ portioni A D. Unde obiter eluceat modus, datâ Catenâ A D, inveniendi C centrum Hyperbolæ conterminæ, vel punctum in asymptoto Logarithmicæ G L. Nam si sumatur A R æqualis Catenæ A D, & ex junctæ rectæ B R puncto medio erigatur ad ipsam B R normalis, hæc occurret B A axi Catenæ in quæsito punto C, uti patet. Nam sic erit CR = CB.

4. Hinc etiam sequitur si B D T angulus fiat æqualis A C R, rectam D T tangere Catenariam in D. Nam sic fiet in triangulis æquiangulis D B T, C A R; D B . B T :: C A . A R sive huic æqualem A D curvam. Et igitur, per Corol. Prop. 1. hujus, D T tangit Catenariam.

5. Sequitur etiam spatium A C H D æquari rectangulo sub C A & A R. Nam quoniam A Y D est, per Prop. 4. æquale rectangulo sub C A & (A D — B D =), per Corol. 3. hujus Prop. A R — A Y =) Y R, patet propositum. Et quoniam C A datur, constat spatium A C H D esse sicut A D curva, illiusque fluxionem H d sicut D d fluxio hujus.

6. Si per punctum K ubi C R secat H D, ducatur K Z parallela P H, rectæ A C occurrens in Z, sumaturque C E æqualis semisummæ ipsarum B C, C Z, erit E centrum Äquilibrii Curvæ F A D.

Intelligatur super F A D erecta superficies Cylindrici recti resecti plano per P H ad angulos semirectos cum plano Curvæ F A D; Exponet hæc superficies momentum Curvæ F A D super axe P H libratae, ejusque fluxio est $DH \times Dd + PF \times Ff$

$$= 2BC \times AD = 2 \times a + x \times \frac{ax + xx}{\sqrt{2ax + x^2}} = \frac{2a^2x + 4axx + 2x^2x}{\sqrt{2ax + x^2}}$$

$$= \frac{a^2x}{\sqrt{2ax + x^2}} + \frac{a^2x + axx}{\sqrt{2ax + x^2}} + \frac{3axx + 2x^2x}{\sqrt{2ax + x^2}} \text{ cuius fluens}$$

$$a \times BD + a \sqrt{2ax + x^2} + x \sqrt{2ax + x^2} = CA \times BD + CB \times AD.$$

Quare $CA \times BD + CB \times AD =$ (quoniam simul nascitur, dictæ superficie Cylindricæ =) momento Curvæ F A D super axe P H libratae. Unde distantia centri gravitatis Curvæ F A D

(650)

à punto C est $\frac{CA \times BD + CB \times AD}{2AD}$ sive $\frac{1}{2} \frac{CA \times BD}{AD} + \frac{1}{2} CB$.

Porro ob Z K parallelam A R, est $AD \cdot BD :: (AR \cdot ZK ::)$
 $CA \cdot CZ$, unde $CZ = \frac{CA \times BD}{AD}$, & igitur CE quæ per con-

strukcionem est $= \frac{1}{2} BC + \frac{1}{2} CZ$, erit $= \frac{1}{2} \frac{CA \times BD}{AD} + \frac{1}{2} BC$:

hoc est **Curva FAD** centrum gravitatis, & E punctum ex constructione definitum, æqualiter distant à C; sed & in eadem recta & versus easdem partes sita sunt, ergo coincidunt illa.

Potest & coincidentia puncti E ut supra determinati, cum centro æquilibrii Prop. 5. hujus definito, synthetice sic ostendi.

Per Corol. 1. Prop. 5. $2BAx = AYD + BA \times AR$. Unde $AH + 2BAx = (AHD + BA \times AR) =$ per præced. Corol.) $AR \times CA + BA \times AR$: hoc est $BD \times AC + 2BAx = AR \times CB$; sive $BD \times AC = AR \times CB - 2BAx$. Unde $BD \times AC + AD \times BC = (AD \times BC + AR \times CB - 2BAx = 2AD \times BC - 2BAx =) 2AD \times AC + 2AD \times AB - 2BAx$. Et applicando ad $2AD$, erit $\frac{1}{2} \frac{BD \times AC}{AD} + \frac{1}{2} BC$

$= (AC + \frac{AB \times AD - BAX}{AD}) = CA + \frac{ARX}{AR}$. Sed $\frac{ARX}{AR}$

est distantia centri æquilibrii Catenæ à vertice A, per Prop. 5. hujus determinata, ac proinde, secundum dictam Prop. 5. $CA + \frac{ARX}{AR}$ est distantia puncti E à C, & $\frac{1}{2} \frac{BD \times AC}{AD} + \frac{1}{2} BC$

est ejusdem E distantia ab eodem C secundum hoc Corol. 6. Unde patet duas istas determinationes puncti E eodem recidere, quoniam $CA + \frac{ARX}{AR} = \frac{1}{2} \frac{BD \times AC}{AD} + \frac{1}{2} BC$.

7. Spatii P F A D H centrum gravitatis est in I medio punto rectæ C E. Cum centrum gravitatis fluxionis ipsius A D sive D d & F f, duplo magis distet à P H quam centrum gravitatis fluxionis ipsius A C H D sive D H h d & F P p f, & $Dd + Ff \times AC$ datam, æquale $DdhH + FfpP$, patet & fluentis F A D centrum gravitatis E duplo magis distare à P H, quam fluentis P F A D H centrum I. Sed libet propositum aliter & ad modum superiorum ostendere.

In-

Intelligatur super figura P F A D H erectoris Cylindricus reetus & reflectus plano per P H transente, cum plano baseos angulum semirectum comprehendente ; exponet istud solidum, momentum figuræ P F A D H super axe P H libratae : Hujusq; solidi sive predicti momenti fluxio, (solida nempe erecta super P F f p / & H D d h) producitur, si momentum fluxionis, sive fluxio momenti ipsius A D, ducatur in $\frac{1}{2}$ A C datam. Nam per Corol. 5. hujus Prop. H D d h = D d x A C : Quare ipsum momentum fluens producitur ducendo momentum Curvæ F A D respectu axis P H, superiore Corol. determinatum, nempe $C A \times B D + C B \times A D$, in $\frac{1}{2} A C$; eritq; proinde $\frac{1}{2} A C \times A C \times B D + \frac{1}{2} A C \times C B \times A D$. Adeoque si hoc applicetur ad figuram libratam P F A D H sive $2 C A \times A D$ per hujus Prop. Corol. 5, fiet distantia centri gravitatis figuræ P F A D H ab axe P H

$$= \left(\frac{C A \times B D}{A D} + \frac{1}{4} C B \right) = \text{dimidiæ rectæ } C E \text{ superius determinatæ.}$$

8. Si per N punctum ubi D T tangens Catenariam in D, fecat A R, ducatur recta parallela ipsi B C, occurrens rectæ per E ad A R parallela in O ; erit O centrum gravitatis curvæ A D. Nam per Corol. 6, centrum gravitatis curvæ A D est in recta E O, sed demonstrabitur illud esse in N O recta, & proinde erit ipsum O punctum. Intelligatur D A librari circa H L axem ; hujus momentum est curva D A ducta in distantiam centri gravitatis ab H L : Et ejus proinde fluxio = D A x H h (H h est fluxio distantiae axis librationis à gravitatis centro) = $\sqrt{2ax + x^2}$

$$\times \frac{a x}{\sqrt{2ax + x^2}} = a x. \text{ Ac proinde ipsum momentum Curvæ gravis D A circa axem H L libratae} = a x. \text{ Et igitur distantia centri gravitatis ab eodem axe est a x applicata ad A D, sive } A C \times D Y$$

Sed quia D T tangit Catenariam, per Corol. 4. hujus Prop. angulus B D T sive D N Y = A C R, & anguli ad A & Y sunt recti, quare in triangulis æquiangulis R A C, D Y N ; R A . A C :: D Y . Y N. Unde Y N = $\frac{A C \times D Y}{R A}$, hoc est Y N est distantia centri gravitatis Catenæ A D ab axe H L, sive centrum predictum est in recta N O.

9. Si

9. Si per I ducatur recta ad A R parallela, rectæ O N productæ occurrentes in W, erit W centrum gravitatis spatii A C H D. Nam per Corol. 7. centrum gravitatis spatii A C H D est in recta I W, sed ut mox ostendetur, est in N W, & proinde est ipsum W punctum. Eodem enim modo quo in Corol. præced. fluxio momenti spatii A C H D circa H L librati ostenditur esse

$$(A C H D \times H h = A C \times A D \times H h = a \times \sqrt{z^2 x + x^2} \times \frac{a \dot{x}}{\sqrt{z^2 x + x^2}} = a^2 x). \text{ Ac proinde ipsum momentum spatii A C H D circa axem H L librati, æquale est fluenti cuius } a^2 \dot{x} \text{ est fluxio, hoc est ipsi } a^2 x. \text{ Hoc igitur applicatum ad ipsum spatium A C H D sive } a \times \sqrt{z^2 x + x^2}, \text{ dat distantiam centri gravitatis spatii A C H D ab H L} = \frac{a x}{\sqrt{z^2 x + x^2}} = \frac{A C \times D Y}{R A}. \text{ Sed Corol. præced. ostenta est } Y N = \frac{A C \times D Y}{R A}. \text{ Et igitur centrum gravitatis spatii}$$

A C H D est in N W. Atque ex duobus hisce ultimis Corolariis invenitur centrum gravitatis cujusvis portionis Catenæ etiam ad verticem A non pertingentis; vel cujusvis spatii Catenaræ portione quavis, & aliis rectis præter prædictas comprehensi.

10. Hinc mensurantur superficies & solida genita rotatione Catenæ, aut spatii sub illa & rectis comprehensi, circa axes datos. Nam figura rotatione genita æquatur, uti vulgo notum, figuræ rotatæ ductæ in peripheriam à centro gravitatis inter rotandum percursum, etiam datam cum detur illius radius sive distantia centri gravitatis ab axe dato. Sic si Catenæ A D rotetur circa axem A B, $\frac{\pi}{p} A N$ est peripheria à centro gravitatis O percursa, ($\frac{\pi}{p}$ denotat rationem peripheriarum circuli ad semidiametrum) adeoq; superficies rotatione Catenæ A D genita $= (\frac{\pi}{p} \times A N \times A D =)$ $\frac{\pi}{p} \times A N \times A R$. Hoc est circulus cujus radius potest duplum rectangulum R A N, æquabitur superficiei à Catenæ A D rotatione circa axem A B genitæ. Pari modo solidum genitum rotatione spatii A C H D circa A C, æquale ostendetur Cylindro cujus basis est predictus circulus, altitudo vero æqualis A C. Similiterque superficies & solida, ex rotatione harum figurarum circa alios quovis datos axes facta mensurantur. Nam dato centro gravitatis hæc non latebunt.